

همزة وصل

Rapport mensuel



SESOBEL

Founded in 1976

نشرة إخبارية

شهري تشرين الثاني وكانون الأول ٢٠٢٣

في هذا العدد

02 الإفتتاحية

03 أخبار ونشاطات ولادنا - البرامج التربوية

67 أخبار ونشاطات شببيتنا - CAT & CAE

09 متلي متلك - برنامج الدمج المدرسي

10 بحضن عيلتنا - المرافقة الإجتماعية

11 اهلا وسهلا بزوارنا

12 قيمة العطاء - Marketing

14 أخبار عيلتنا



للإتصال بنا

+961 9 235 435

عينطورة - عين الريحانة، شارع 11 - كسروان

ص.ب. : 551 ذوق مكاييل - لبنان





كلمة السيدة فاديا صافي بمناسبة قداس الميلاد في 19 ك 2023

لما ولد يسوع شعّ النور، النور يلي جايي من المغارة، نور العهد الجديد، نور الإيمان، نور الرّجا.
بس كيف فينا اليوم نعيش بالنور وحوالينا عتمة ؟
عتمة الحروب والخوف والإحباط واليأس والحاجة...

كيف فينا نضهر من العتمة ونعيش بالنور؟

لما إيماننا بضل ثابت

لما منبقى أوفيا لبعضنا البعض، ملتزمين برسالتنا، أمناء عليا ومحبيين،
ولما الرجا بيكون أساس حياتنا.

هيك ما في عتمة من أيّا نوع كانت بتمنعنا نعيش بالنور، نور يسوع.
تجارينا علمتنا إنو ما ننكل إلا عليه وعلى إمّو ست البيت هي قالت :
”نعم أنا أمة الرب فليكن لي بحسب قولك“

ونحنا مين حتى ما نكون على مثالا ونقول نعم، نعم يا يسوع نورك بكفينا، علمنا نكون أبناء النور لنخدم
بفرح، ونصلّيك بفرح، ونطلب حمايتك، ونشكرك على نعمك كل يوم، ونصلّ نقول :

ولد الخلاص للعالم هلوليا
ولد النور لما ولد المسيح هلوليا
ولد المسيح هلوليا

هاشلي بربرة والقمح بالمغارة

الكلّ معجوق ومحّمس يحضّر أحلى ما عندو،
اليوم عيد القديسة بربرة.

وحدّ القسم التربوي موضوع الحفلة وكانت كل
العروض والمشاهد بتحكي عن المي وأهميتا، لأتو
« كلّ نقطة بتحرز ».

تعرفنا مع ولادنا وشبيبتنا على المي من خلال
مشاهد متنوّعة، مثلًا قدام لجنة الحكم ويّلي من
خلالا فرجونا أهميتا بحياتنا ولصحتنا، وقدي مهمّ
نحافظ على نظافتنا. كمان جسدولنا المي بكلّ
حالاتنا و دورنا بالطبيعة.

أما الشّباب والصّبايا الكبار زاروا بعضن بالوحدات
وعملوا نشاطات متعدّدة : زراعة القمح، غناء
ورقص بكلّ فرح وعفوية.

القسم التربويّ



من أجل السّلام

من أجل السّلام رفعنا الأعلام،
من أجل السّلام صلّينا للعالم،
من أجل السّلام غنّينا للبنان،
من أجل السّلام تّوحدنا بقلوبنا.
هيك كلّ وحدة من القسم التربويّ عبّروا ولادا وشبيبتنا
عن السّلام.

وهالسنة جمععتنا بذكري الإستقلال كانت مميّزة
بحضور تلاميذ مدرسة القلبين الأقدسين -
كفرذبيان، يلي عبّروا بدورن وعلى طريقتن عن
السّلام. وختمنا بأطيب تحلاية من تحضير
إمّاتن. وكلنا إيمان إنّو السّلام رح يحلّ بلبنان
وبالعالم.

القسم التربويّ



مهورنا هيدي السنّة هوي "سفراء الصّحة"، وشو في أحسن من الفواكه تتحافظ على صحتنا.

بوحدّة التّدخل المبكر، خلال شهرَي تشرين الأوّل وتشرين الثاني كان هدفنا نتعرّف على فاكهة الخريف، مثل الزّيتون والعنب. شاركوا ولادنا بعدة نشاطات حسيّة. اجتمعوا لفرط الزّيتون ورصّو. تذوّقوه، تلذّدوا بطعمو وتعرّفوا على منافع زيت الزّيتون.

وكمّان اجتمعوا لطف العنب وتذوّقوه. تعرّفوا على الخلّ المستخرج مّو وشمّوا ريحتو القويّة، وعلى طعّمة الزّبيب الشّهية...

ومين قال إنّو حبّنين من الزّيتون ومن الزّبيب بنهارنا ما بيّفيدوا صحتنا الجسديّة والعقليّة؟ تتضلّ محافظين على صحتنا طيلة هالسنة، مواضيع عديدة ومهمّة رح نتعرّف عليها سوا. انظرونا. وحدة التّدخل المبكر



ناطرينك يسوع

ناطرينك يسوع! جملة كانت كافية حتّى تخلي كلّ المربيّات والمربيّين يحضّروا إيد بايد لإستقبال يسوع. كلّ واحد عطى فكرة للعبة أو زينة لتحضير أجمل فترة بالسنة، رسّامات، قصّ وتلوين، نجارة وتلزيق حتّى نكون بأبهي حلّة عالعيد.

مع تعليق الزّينة علّقنا تمنّياتنا بالصّحة، الفرح والسّلام للكلّ. ومع المغارة حضرنا قلوبنا يا هالطفّل الصّغير لولادتك المجيدة. وخلال هالفترة استقبلنا

حفلاتنا بتحلى وبتصير غير شكل لما شبيبتنا مع كارلا بيساعدوا لتزيين مكان الحفلة.

وهيدي الصور بتفرّجي كيف الولاد مركزين وعم يرسموا وجوه بألوان ورسومات مختلفة تحضيرًا لعيد البربارة.

القسم التّربويّ



نور وأوّل مرّة

بعيد البربارة، تجمّع الكلّ للتّبرّج تحضيرًا للحفلة، وفجأة بتفوت نور! والمميز إنّا قدرت نتخطّى خوفنا من التّجمعات، وطلبت بدورا إنّو تزّين وجّا وتشارك بالحفلة لأوّل مرّة!

وحدة التّوحد





زوّار كبار وصغار حتّى يشاركوا ولادنا بألعاب،
أغانى وهدايا الميلاّد.
ودايماً ما مننسى الأساس بهالعيد كرمال هيك
اجتمعنا بصلاة جماعيّة بمشاركة "أنت أخي"
واختتمنا غذاعنا الرّوحيّ بقّداس العيد السنويّ يلي
شاركت فيه عيلة سيزوبيل الكبيرة.
منطلب منك يا ربّ تضلّ فرحة وجودك بيناتنا
وغامرتنا مع ولادنا وعيالنا.

وحدة الشوشو

قلوبنا مغارة لميلاّدك

يا طفل المغارة، غمور قلوبنا بالسّلام والمحبة
والثّقّة فيك، بإرادة الله يليّ تجسّدت من مريم.
حضّرنا اللّقاء، بشغف واجتمعنا بـ١٨ كانون
الأوّل كان يوم مميّز إحتفلنا سوا، Programme
Pédagogique و CAT و CAE. كلّ حدا عبّر
بصلا من القلب ونيّة، وبهاللّقاء جرّينا نلغي كلّ
جدار الأنانيّة بلعبة:

- بدل جدار الحقد مدينا جسر للعبور
- بدل الكراهيّة المحبّة
- بدل الأنانيّة ورّعنا سلام
- بدل جدار الظلمة ضويّنا عتمتنا بنور الرّجا
- على نيّة كلّ واحد منّا، على نيّة سيزوبيل، على
نيّة لبنان والعالم، وخذنا صلواتنا وحتّى بألعابنا
أخذنا عبّر. فرحنا، ضحكنا، الكلّ شارك على
طريققو برقصة أو بغنيّة، ويا ريت يومنا كان
أطول. عيدنا أعياد ميلاد الشّباب والصّبايا، وما
خلصت هون، تشاركنا بالمغلي، وتشاركنا بفرحة
العيد بهديّة صغيرة.
- شكراً شكراً سيزوبيل... بلّشت القصّة من أوّل
الشّهر بالـ Secret Santa، والأهمّ كيف كلّ
واحد منّا حملّ غيرو بصلاتو. ومع هالصورة
منتشارك معن فرحنا. ولد المسيح هللونا!

Noyau d'Éducateurs



وليد القسيّد هللونا

بزمن الميلاّد نشاطات كثيرة ومتنوّعة.
خلال هالفترة زرنا كثير مدارس، عشنا فرح ولادة
طفل المغارة وسوا قضينا أجمل الأوقات.
بهاللّقاءات، كيتّا عم نتشارك الألعاب نحنا ويّاهن
ونستخلص المغزى بكلّ لعبة، ناقلين لكلّ رسالة
وجوه سيزوبيل.
شكر كثير كبير ومن القلب لكلّ المدارس يليّ
استقبلونا ببسمة وبهيصّة وبغنيّة، منشكرن ع كل
شي قدّمولنا ياه زغير أو كبير، للفتة المحبّة اللّي
بنتقى وبتنوم. منشكر مدارس :

- Collège des Saints Coeurs Bauchrieh -
- Collège des Carmelites Fanar -
- Collège Notre Dame de la Sainte Famille -
- Sahel Alma
- Collège des Antonines Ajalatoun -

انشالله ولادة الطفل يسوع تزرع السّلام والفرح بقلوبنا
كلّنا بالرّغم من الظروف الصّعبة اللّي عم نمرق فيا
والحروب اللّي حولنا.

وحدة الإعاقة الفكرية

الأعياد والمناسبات Monde d'Adulte بال

• «يا ربّ السلام، اعطينا السلام بقلوبنا، بالعالم وبوطننا لبنان». الإحتفال بذكرى الإستقلال كان صلا وترانيل من شبيبتنا رفعناها للرب. مع الأغاني الوطنيّة وبحبّك يا لبنان رفعنا أعلام لبنان وسيزوبيل، وع غنّيّة «راجع راجع بتعمّر لبنان» رقصنا ودبّكنا وكلنا أمل إنو راجع متحلّى وأخضر أكثر ما كان.



• هاشلي بريرة والقمح بالكورة

سواحضرنا فيلم قصير يبحكي قصّة البريرة. تأثرنا بإيمان هالقديسة، صلينا، غنينا، رقصنا وتشاركنا الأطايب.

• ميلادك يا ربّي ضوىّ الدني

بالميلاد بيكثر العطاء. كلّ واحد ع قوّ، ع طريقته، يساهم، يشارك وبيعطي شو عندو حتى يوصل الفرحة عالقولب. أهلا وسهلا بكلّ زوّارنا القديمين والجداد يلّي انضمّوا لعيلة سيزوبيل حتى يتشاركوا مع ولادنا وشبيبتنا ميلاد الفرح والإيمان والرجا إنو طفل المزود إجا يرفعنا من العتمة للنور.

- بالمباشر ومن قلب سيزوبيل، أطيّب Crêpe أكلناها من عند **Crepaway**. شكراً على الميادرة يلّي أضفت جوّ من الفرح عالوجوه وبالقولب.

- لمطعم البيروتّي ألف شكر وتحيّة. لفنة كريمة، لقمة طيبة فيها رشّة محبّة.

- «مجد سعد» **Violoniste**، أناملك السحرية وعزفك المميّز أضفى جوّ فرح وبهجة وحماس وهيدي طبعاً مش أول وآخر زيارة.

- **Proparade** مع روي والفرقة كانت صبحيّة ميلاديّة بإمّياز. فرّحتوا قلوب الشبيبة وصارت كلاً نشاط وحماس.

برنامج الدمج

من أهمّ البرامج والنشاطات لهالسنة برنامج الدمج يلي عم نشغل عليه مع وحدة ال CAT. الدمج هويّ عمليّة متكاملة من الأنشطة المختلفة المرتبطة بحياة الشخص من خلال المشاركة الدامجة مع الآخرين من غير برامج وتحسين القدرات وتنميّا ليشعر كلّ شخص بوجوده وقيمتو بمحيطو وتطوير العلاقات الإجتماعيّة والتواصل.

استقبلنا لهيدي السنة ميريام عبدالله، ناجي عضيبي وبيار بطرس بصوفونا ومشاعلنا، وكان ملفت للنظر سرعة تأقلمن مع رفاقن وبمحيطن الجديد. وما فينا ما نضويّ على حماسن وإندفاعن بالنشاطات وروح المحبّة بينن.

ميريام كانت حاضرة دايماً لتساعد المعلمات ورفقاتنا بالصفّ وتساعد مدام دولا بتقديم الطعام وجمع الصحون.

ناجي بحضورو الرايق بين رفاقن وإندفاعو بالنشاطات وخصوصي الرياضيّة ميّا. وبيار بروحو الحلوة وضحكته بيخلق جوّ حلو.

تجربة ناجحة وروح نكمّل بهالنشاط مع الشبيبة لتعزيز التعاون وتحسين طرق التأقلم وتطوير مهارتن وجوّ العيش بالجماعة.

قسم ال CAE



- حضور صامت، وفا، إنتماء، تواضع، عطاء مثمر يظهر تربيته وحسن ذوقه. ما اخترت، أنت وزوجتك، مع مين تقصّي حفة الميلاد، همك إدخال البهجة والسرور للفوس وتربية ولدك Liam من الصغر على المشاركة، العطاء وعدم التمييز. الكلام ما بيوفي شو شعرنا ولمسنا سيد مارسيل غريب، لكن شبيبينا عبرت بكلمات بسيطة عن إمتاننا لكن:

* علاء: لفنة كثير حلوة بهالظروف الصعبة. مع مارسيل وعيلتو عشنا فرحة العيد.

* ريتا: شكراً كثير مارسيل لأنك فكرت فينا عالعيد رغم الظرف الصعب.

* ميرنا: مارسيل ترك شغلو وعطى من وقتو هوي وعيلتو تا نكون فرحانين. منقدر حضورك كثير.

* سوزان: مارسيل قعد معنا، حكي معنا، حسينا إتو نحنا بالبيت مع العيلة عم نتساير ونتناقش. مارسيل إنت إنسان رائع، جيت وجبت معك هدايا، بس بنظري إنت كنت الهدية الكبيرة.

* برنا: متشكرك مارسيل ومنشكر مدامتك وأختك والشكر الأهم لإبنك Liam. مبادرة كثير حلوة، القعدة معكن والهدايا أدخلوا الفرح عالقلوب.

* رافاييل: بطلب من ريتا يباركك إستاذ مارسيل مع عيلتك عا هالحفلة، استخدم نعمة الله تا يفوت الفرح على قلوبنا. شكراً عالهدايا وعالبيتزا الطيبة اللي انعمت بحب وشكر من القلب لفرقة «Rire et Courir» على Animation بي أي أضفت جو كثير حلو بهالنهار.

شكراً لكل واحد منكن، ساهم وعطى من حالو وقلبو تا يفرح ويفرح بهالعيد.

قسم الـ CAE والـ CAT



السيد مارسيل غريب

- مدرسة الأنطونية غزير، محطتكن سنوية ميلادية، مع شبيبينا بتتشاركوا الخبرات وبتساهموا بالمجتمع لتغيير النظرات. بتعطوا قيمة للمصاب بإعاقة، هوي متلو متلكن، إنسان وإبن الله. هالسنة كنتوا كثير مميّزين، جابين متحمسين وأهم شي مقتنعين باللي عم تعملوه ما كان حصّة ببرنامجكن ومجبورين فيا للعلامات. كان لقاء من القلب للقلب. انشالله الأيام تحمّلكن كل النجاح وتصلّوا تساهموا بتغيير نظرة الناس وتحسبوا حساب الشبيبة المصابة بمشاريعةكن الإيمانية.

- مثل كل سنة القلوب البيضاء دقت بوابنا وما بيحلى العيد إلا مع أصحاب العيد وهيك للسنة الثانية حبت السيدة «رولا نخول» أخصائية التجميل تعيش فرحة العيد مع شبيبينا الـ CAE والـ CAT ودعيتنا لعندا على صالون التجميل لنقصي أجمل أوقات ونعيد معا ولادة المسيح. «رولا» أمنت بقصيتنا ورسالتنا، أمنت بشبيبينا وحقن يعيشوا مثل كل الصبايا. جمعت حوالي فريق من الستات، كل ست قدمت من خبرتنا ومن وقتا تتفرح هالصبايا. وهيك ميريام، ننالي، ترليسي، سيبيل، لورد، ريتا، ماييل كانوا أميرات بهاليوم المميّز. كل صبية عاشت فرحة العيد على طريقتا. وانقلنا لقسم التسوق وهون كل صبية نقت الـ style تبعنا، بي يلبقلا. وبالآخر تشاركنا لقمة محبة. بحب إختم بكلمة من القلب، ما أروع الأتسان صاحب القلب الأبيض وما أجمل الإنسان صاحب الإبتسامة الدائمة بي بتشرق وبتزرع الحب بالقلوب. «رولا» ما في كلمة شكر تعبر عن عطائك، رح إترك «ست البيت» هي تشكرك عطريقتا.

- ليلة ٢١ كانون الأول المساء، سيزوبيل كانت منورة. ٢٠ شب وصبية من CAT و CAE التقوا بشباب وصبايا وأصحاب جداد إجوا ولأول مرة بتعرفوا علينا وبتشاركوا معنا العيد. بلشت السهرة بتريثلة «بميلادك يا ربي» بصوت رافاييل وصلاة ست البيت. مع المطرب مارون ديب وأغانيه المتنوعة رقصنا سوا. العشا الطيب تحضر ببيت كل واحد من الزوار و Père Noël بحبوه الزغار والكبار، وصل ووزع الهدايا بمساعدة ريفو Lutin. كانت الأجواء حلوة والفرح معبي الدار. قصبينا سوا الكاتو وغتبنا سنة حلوة ليسوع لأنو هوي العيد وهوي الفرحة بهالعيد.



«Rire et Courir» فرقة



Crepaway

الفرح والاحتفال

بعد النشاط والتعب شببينا نكونوا ناظرين الحفلة والعيد وأكيد بيستحقوا أعلى المفاجآت. البداية كانت بزيارة تكتة الجيش لنعيد سوا عيد الإستقلال وكانت فرصة ليتعرفوا شببينا من خلالا على أقسام التكتة ودور كل قسم. زينا المستوصف وتعرفنا على العيادات والصيدلية واللواء السابع قدامنا شرح عن السلاح والشرطة قداموا عرض عسكري وبدورن شببينا قدامولن تنكار من شغلن. كملنا باحتفالات عيد الميلاد وكانت البداية مع الغداء السنوي لبقدموا لجنة السيدات لشببينا وأكد ما نسيوا الـ *bûche de Noël* لينطروا الشيبية من سنة لسنة. وبدل الغداء كانوا تبتين، فاعل خير حب بقدمن Hamburger وهدية والمفاجآت كملت بالمركز زارنا Père Noël وقدمن الهدايا. انشالله بنكون سنة حلوة و ملياني فرح وسعادة ومحبة.
مشغل CAT كفرحونا



«مجد سعد» Violoniste



Proparade



السيدة «رولا نخول» أخصائية التجميل



ليلة ٢١ كانون الأول المسا

متلي متلك برنامج الدمج المدرسي



القي كل الحياة

أجواء العيد

ولنحسّ أكثر بأجواء الأعياد، زارنا تلاميذ مهنية جزين، شاركوا ولادنا بفرحة عيد البربارة، من خلال أعمال يدوية و Animation وأغاني.

وزارونا تلاميذ مدرسة مشموشة، حضرونا أجواء حلوة من شدّ حبل، Face Painting وألعاب ترفيهية من بعدا إجا Père Noël رقصنا معو وانبسطنا.



هالسنة سيزوبيل تعاونت مع USAID ومؤسسة منذر، بمشروع المحافظة على المي وكان لسيزوبيل جزين حصة كبيرة.

شارك فريق العمل بدورات تدريبية مع سيزوبيل عين الريحانة بتموز الماضي، ومن بعدا نقلنا المعلومات لولادنا بدورات مكثفة لتوصل لآلن بطريقة مكثفة، حسية، سهلة ومفيدة. وزارنا ربيع فرحة لمتابعة العمل عن قرب وتدريب ولادنا على مهارات التواصل.

ولحتى يكونوا مستعدين للتوجه للمدارس، دعينا الأهل وعرضوا ولادنا قدامن المعلومات. وكان في تجاوب كثير كبير من قبلن.

ونحنا عم نتحصّر بالوقت الحالي لحتى ببداية السنة الجديدة نكمل المشروع ونزور مدارس المنطقة لننقل المعلومات للطلاب.

شبيبتنا بسيزوبيل جزين نحنا فخورين فيكن.



INTERVENTION PSYCHOSOCIALE DE GROUPE

Cette année, l'intervention psychosociale de groupe auprès des familles est répartie en trois groupes, selon la catégorie de handicap de l'enfant :

- Groupe pour les familles de l'unité du PHP et Chouchous.
- Groupe pour les familles de l'unité du PHM et Chouchous.
- Groupe pour les familles de l'unité du TED.

Ces groupes sont animés par des travailleuses sociales et une psychologue. Les rencontres ont lieu une fois par mois. L'objectif général est de reconnaître les émotions et mieux se connaître en tant que parent.

INTERVENTION SOCIALE DE GROUPE

Dans le cadre de l'engagement parental dans le projet de vie, un groupe de 9 mères se réunit mensuellement avec les travailleuses sociales pour les initier et les sensibiliser sur leurs rôles en tant que «caregivers». L'objectif de la rencontre de ce mois est de comprendre les bénéfices et les barrières du concept de l'engagement parental selon le point de vue des mères.



بحضن عيلتنا
المرافقة الاجتماعية

BIENVENUE LES STAGIAIRES

Bienvenue aux stagiaires en travail social! Votre présence à SESOBEL est une période importante où vous aurez l'opportunité d'appliquer les connaissances théoriques acquises lors de votre formation dans un contexte professionnel.

Le travail social est une carrière qui permet de contribuer au bien-être des autres. Profitez de cette opportunité pour enrichir votre parcours professionnel.

Bonne chance dans votre stage Jennifer, Catherina, Tia et Rita !



Tia

Catherina

Jennifer



Rita

أهلاً وسهلاً بزارنا VISITEURS

LES RENCONTRES AVEC LA FRATRIE

حياتنا مع بعض أعلى نعمة

من بعد هالكم سنة الصعيين يلّي مرقوا علينا
كلنا، بجو الوضع الصحي والإقتصادي والحروب
والضغوطات النفسية، لقينا حالنا بحالة صراع وحدنا
بوجّ هالواقع المر، ولكن كلنا رجا يرجع السلام
والأولوية للإنسان.

السنة بعيد الميلاد غمرتنا محبة الناس وإحسان
بالمسؤولية والمشاركة تجاه خيّن الإنسان. رجعنا
استقبلنا الأصحاب اللّي بيحبّونا وكلّ الجدات يلّي
حبّوا يتعرفوا علينا من مختلف فئات المجتمع.

كانت لقاءاتنا معن أكثر من رائعة أكّدتنا أكثر وأكثر
أهميّة رسالتنا مع المجتمع يلّي من دونو ما يتكلم
وإنّو زوارنا كانوا كثير مشتاقين ليعيشوا هالخبرة عن
جديد.

منشكر من قلبنا كلّ يلّي فات على بيتنا وعيّن ولادنا
فرحة ولادة الطفل يسوع. وهيدا بأكد إنّو حياتنا مع
بعض هي أعلى نعمة :

- Frères Maristes, Jbeil –
- Groupe de mamans –
- Violoniste Majed Saad –
- Media Group –
- Montana Pizza –
- Groupe d'amis –
- Antonine Sisters School, Ghazir –
- VIP Parking Control –
- Ziad Kassab et famille –
- Christina Abboud –
- Marcel Ghorayeb et famille avec –
- Animation Rire et Courir

Dans une ambiance qui encourage
la fratrie à s'initier et s'informer sur
la problématique du handicap, deux
rencontres l'une en novembre et
l'autre en décembre ont été animées
auprès de 30 frères et sœurs avec une
équipe multidisciplinaire : travailleuses
sociales, psychologues et éducateurs.



مفكرتي للعام الجديد

ماذا أكتب في مفكرتي لنهاية العام ؟

٣ أمور ممتنة لها
٣ أحداث جعلتني أبتسم
٣ انتصارات لهذا العام



٣ أمور مفضلة لدي لهذا العام
كيف أحسن الغد ؟



نقصر بشي وبضل إسم المؤسسة ونوعية الإنتاج والبضاعة والتسليم هي الأفضل والأحسن.

باسم كل فريق العمل لقسمي التسويق والتصنيع منشكر ست البيت يلي غمرتنا رغم كل هالعجفة والضعوطات بجو من المشاركة، التسامح، الضحك والتكاتف.

هيدا نحنا، هيدا جوتا

انيسطنا كتير بفريق من المرين بسيزوبيل إجو وهني متكرين بابا نويل وعمولنا هيصه للعيد. وأكيد أحلى مفاجأة كانت آخر يوم وقت جمعتنا مديرتنا جويل لنعيد سوا وعلى فرد قلب بضحك وفرح.



إجى تشرين ومن ورا كانون وبلّشت بقسم الإنتاج والتسويق العجفة، الركض، الطلبات والتحضيرات لاستقبال الأعياد. بلّش الجدّ وبلّش الشغل كلنا سوا بإيد وروح وحدة مليونين همّة ومسؤولية. وكل هالشني لنبة وحدة هيّي إئو نقدر ولو شوي نساعد المؤسسة لتصلّ شعلة نور بعالم الصعوبات.

أكيد التحضيرات والتخطيطات كانوا معمولين من قبل بأشهر بس الجدّ ببلّش بهالشهرين ويزيد علّين يلي ما كان متوقّع من طلبات مستعجلة، لطلبات آخر دقيقة، لطلبات عجيبه غريبة بس لازم نتنفذ وتتصنّع.

الإيام كانت بالمشاغل قصيرة، الوقت كان عم يركض ركض وبيناتن كان كل فريق العمل عم يغرزل غزل، إيه صدقوني عم يغرزل.

ما حدا مطرحو : يلي بالمشاغل عم بأمّنوا تصنيع الطلبات، يلي عم يتلقوا الطلبات، يلي عم بجمّلوا ويزيّفوا، يلي عم بوضيوا، يلي عم بوزعوا، حتى يلي عم يعرضوا بالمعارض أو بنقاط البيع التابعة لسيزوبيل... كلو كلو متأهب للمساعدة ولتلبية الطلبات لدرجة كل فريق العمل بدون استثناء كان عم يساعد بكلّ المراحل.

حقيقة وحدة كانت بتزعل هي إئو كل فريق العمل ما قدر شارك بفرحة العيد يلي كانت مسموعة من الشبابيك من موسيقى العيد، لبابا نويل وضحتكو ورتة جرسو، لضحكات الولاد وفرحن، للرقص، للحفلات... وخاصة لعدم التمكن من المشاركة بقداس العيد. بس صدقوني كل الفريق كان عم يشتغل بفرح ومسؤولية، من كل قلبو كان كل فرد عم يشتغل شو ما كان المهم نلّي الطلبات وما

معارض عيد الميلاد

معرض لو رويال

افتتحنا معرضنا الميلادي بـ ٣٠ تشرين الثاني واستمر لـ ٣ كانون الاول بفندق Le Royal ضيقه.



إفتتاح معرض لو رويال

معرض Ginette

كانت مشاركتنا بالمعارض هالسنة خجولة بسبب وضع البلد على كافة الأصعدة وخاصة الاقتصادية وقُزرت الإدارة عدم مشاركتنا بمعارض عديدة لأنّ المشاغل تجنّبت تصنيع كمّيات كبيرة معقول تتعدّى حاجات الطلب. لكن لجنة الشابات نظّمت معرض لمنتجاتنا الميلادية بمطعم Ginette الأشرقية في ٨ و ٩ كانون الأول.



تميّز هالمعرض يوم افتتاحه بجوقة أطفال سيزوبيل المؤلّفة من شبان وشابات وبعض الملتزمين يليّ ضووا شجرة الميلاد وأنشدوا الترانيم الميلادية بأصواتن الملائكية.

بحب وجّه الشكر الكبير لـ :

– السيد إيلي الغريب “Ghorayeb Technotel” لتقديمو كافة الطاومات والكراسي والمستلزمات الخاصة بالديكور .

– السيدة والسيد أوشي مالكي “Le Royal Hotel” والإداريين الملتزمين بالفندق وخاصة السيدة أوديت عيد.

– للجنة الشابات لأنّ أخذوا على عاتقن تنسيق وتزيين المعرض وكانت الفكرة والإنجاز من قبل السيد هشام سعد.

جانيت مطر
قسم التسويق



إضاءة شجرة الميلاد بفندق لو رويال

تجربة ما رح إنساها بحياتي

تحضيراً لإفتتاحية معرض الميлад الخاص بسيزوبيل بفندق Le Royal ضيئه، زرنا ستيديو «إيلي فرح» بجونية، حتى نسجل صوتنا أنا أوليفير مع باسكال، فاليري وإيلي.

استقبلنا إيلي، بابتسامو يللي ما فارقت وجو. أنا أول مرة بحياتي بزور ستيديو، كنت كثير مبسوط ومندهش إنو هالمطرح الزغير في آلات وأدوات كثير. بالأول كنت ملنك وعتلان هم، بس إيلي كثير شجعي وعطاني كل وقتو. لما سمعت صوتي، فرحت بحالي وبصوتي وبدعت. هالتجربة ما رح إنساها بحياتي.

شكراً إيلي فرح ع وقتك، ع مرافقتك، ع عطاءك وع بسمتك. شكرا فاليري لأن هلقد بتحبينا.

أوليفر خويري
من شببية PHP وكورال سيزوبيل



كلمة وداع من القلب

ريتا... كلمة وداع زغيرة لإنسانة مرحة زرعت الفرح بقلبي بهال ٣ سنين اللي عشتن معا بالمكتب.

من بعد ما كنت وحدي بالطابق الخامس، الوحدة والقلق كانوا مرافقيني على طول. شاعت الظروف إنو يتغير شغلي وصير عم بتشارك المكتب مع ريتا بقسم شؤون الموظفين.

ريتا بالطاقة الإيجابية اللي على طول بتتشر وتبسيطا للأمر وروحا المرحة خلتنني إتخطي مخاوفي وعيش على طول بفرح.

بشكرك ريتا على روحك الحلوة وعلى كل لحظة حلوة خليتيني عيشا وبإسمي وإسم كل فريق عمل القسم الإداري ممنمنا لك كل التوفيق بحياتك وإنو تحققي كل اللي بتتمني وأهم شي تضلك تنشري الفرح وين ما تكوني.

نايلا تامر

